



Notat

Dato: 21.05.2015
Arkivsak: 2015/825-4
Saksbehandlar: lisadla

Til:	Fylkesutvalet, samferdselsutvalet
Frå:	Fylkesrådmannen

Kostnadsoverskridingar for Askøypakken

Politisk leiing ønskjer ei orientering om kostnadsoverskridingar i Askøypakken. Fylkesrådmannen har bede Statens vegvesen om eit notat som no ligg føre. Notatet er utarbeidd av prosjektleiaren for Askøypakken.

Det er gjennomført eit nytt kostnadsanslag på Askøypakken sitt største prosjekt; Fv 562 Lavik- Haugland. I opphavleg anslag frå 2010 og stortingsvedtaket for Askøypakken var kostnaden for prosjektet sett til 332 mill. kr i 2012-kroner. I det nye anslaget vart kostnaden anslått til 650 mill. kr i 2014-kroner. I stortingsvedtaket – Prop 197 S – er ikkje summen på 332 mill.kr justert for «nye-momsreglar» – i 2010 anslaget ligg det inne med 10 % moms. Vidare må summen justerast frå 2012-kroner til 2014-kroner. Samla gjev det ei oppjustering til 402 mill. kr i 2014-kroner.

I Bergens Tidende vart summane på 332 mill.kr og 650 mill.kr samanlikna, og ikkje det oppjusterte talet på 402 mill. kr i 2014-kroner. Dette er grunnlaget for den omtalte «kostnadssprekken». Prosjektleiaren i Askøypakken oppsummerar hovudårsakene til differansen på nærare 250 mill. kr følgjande punkt:

- Generell sterk kostnadsauke på veg i perioden frå 2010 og fram til 2014.
- Prisane som var innhenta til anslaget i 2010 var noko låge på grunn av låge prisar i marknaden i denne perioden.
- Anslaget frå 2010 vart gjort på ein plan som ikkje var vedteke, men under arbeid. No har vi ein meir ferdig reguleringsplan å gjere anslag på.
- Anslaget i 2010 var lågt i høve til riggposten. Riggposten utgjer no ca. 50 mill. kr.
- Det er og tatt inn usikkerhet i 2014-anslaget. Dette skuldast endringar i måten anslaget vart gjennomført på. I 2010-anslaget er det ikkje avsett eigen post til usikkerhet. I 2014 er det i anslaget tatt inn ein eigen usikkerhetspost på 84 mill. kr.

Fylkesrådmannen sluttar seg til dei vurderingane som er gjort i notatet frå prosjektleiaren i Askøypakken. Fylkesrådmannen har merka seg at det og er sannsynleg at fleire av dei andre anslaga i for prosjekta i Askøypakken ligg noko lågt. Fylkesrådmannen støttar difor opp om at det vil bli viktig med økonomisk styring av pakken, og få gjennomført nye anslag for dei andre prosjekta i pakken.